

中國方志叢書·華北地方·第三六六號


據

清·陳懋修，張庭詩纂
光緒十二年刊本

影印

山東省

日照縣志



成文出版社有限公司印行

5/12/09



10098437

中國方志叢書·華北地方·第三六六號

據

清光緒十二年刊本
清·陳懋修，張庭詩纂

影印

山東省

日照縣志



sk/18/09

成文出版社有限公司印行



10098436

中華民國六十五年 月臺一版

日照縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修四庫全書

續修日照縣志序

余所至必求其地之志凡夫序無不云刪附會也嚴濫入也是是非非無曲筆也及閱其文乃有時三者具在甚矣作序者之妄也光緒歲乙酉余來典沂郡適日照縣尹陳君懋續修志成邑之士與其事者與余多有舊欲余一言其書詳而不斷視舊志之分繫以論體有互異然余觀舊志其論疆域曰照瀕海與登萊等彼有專備茲僅藉土民果長慮哉其論風俗曰好厚重恥詭隨甯不爲善國焉雖然此古之照則爾也論時序則曰天地四時猶有休息沉於人乎照時序雖同宴樂之事寂寂也瘠土民勞信然哉論鄉里則曰始則一里止一長一族募一長也自海禁農窳族不相統

長乃千百爲羣比較之日公堂屢言可以徵世矣論地畝十日
之晴則苦乾五日之雨則苦潦論倉廩良吏之民寄其命於上庸
吏之民寄其命於天論坊表謂實行不足而獵名於坊則坊也指
摘之府也論宦蹟謂志有所不及載俎豆片席亦有時命也論馳
封曰封贈世代褒忠亦以教孝若居官無狀虧朝廷而辱祖父則
亦可羞也其論故令王士奇不報除田而民怨猶有古史遺意其
論明初或以乙榜登八座嘉隆而後其事浸輕洪武之年貢居先
舉居次宏治始選貢天啟始恩貢景泰始令生員納粟及俊秀入
監皆足舉故實與史相表裏蓋秉筆者爲丁進士皆又康熙初去
更化近往往抑揚諷託寓於言外於興廢勸戒之間三致意焉今

志之續自爲一書更閱時二百年邑人士搜而輯之陳君彙而成
之文獻不墜亦盛舉矣而余必附著其舊以備攷亦將有裨於茲
邑俾昔與今相發明焉若求工於文則不獨守土者能之君子奚
取也


光緒十一年夏五月知沂州府事豐潤趙國華撰



一 五 集 三

天 三

二



續修日照縣志序

日照志創始於明萬厯間杜君一岸 國朝康熙初楊君士雄重
監修皆官督其事而采擇於邑之紳耆攷楊志所筆削未嘗沒杜
志之舊其稿纂於邑人丁君崑之手質直核實有謹嚴規戒之意
厥後成君永健泣照取舊志增藝文又入已作盡刪前序竟似已
書而其序謂邑乘失實由於有司蹈常守陋傳聞附會甚且瞻徇
私請又以其事屬之地之有名鮮實陽直陰曲之人操其是非而
聽其出入實切中近世修志之弊今去成君百又七十年光緒癸
未春余來斯邑邑紳觀察丁公守存請重輯是余責也何讓焉雖
然判是非以昭淑慝辨隆替而寓勸懲有關於人心風化者匪淺

下月... 三
余不敏思成君之言不敢蹈彼以... 者士求如曩者
丁君之人而屬之得率君廷輔丁君昉君作和暨卜景淇李黼
宸許竹林等十餘輩廣爲搜輯及其匯也復與廣文張君庭詩李
君培巖以核其實總以校其成閱二年而書就凡十二卷其大者
存前志之舊而時會之變遷人事之後出推研考證釐而繫之體
別舊志而詳畧具舉諸君慎重以期有成若懋者心成君之言以
繼楊君之事兢兢於是非出入之地盡吾責而已其猶有未盡則
後之賢者當有補焉

光緒十一年秋七月同知銜知日照縣事清苑陳懋撰



續修縣志序

志者紀實也繼述前人所以信今而傳後也照志自康熙壬子續修歷二百餘年事迹湮沒紀載散佚多矣前邑侯宮公子行有志重輯旋即陞遷適前輩丁觀察心翁退老家居取其族子庭陔彙稿十二卷刪繁撮要復經前邑侯趙公李公飭吏分查粗有端緒繼得大尹陳公來涖茲土以徵文考獻爲急務捐廉百金以倡丁心翁亦出百金請諸宮公又得其半閭邑陸續集貲纂彙之任屬之學博張公草創未就觀察竟齋志以沒邑人以斯事體大無敢專任其責者大尹恐事之墮也集諸士分任而共成之相亦乏承其後閱二載而粗就大尹急欲蒞事卽付剞劂閱七月而竣功幸

觀厥成而轉嘆此事之難也二百餘年以來氣運變遷人事轉移
大難削平政家紀載半歸煨燼抱殘守缺傳聞異詞附會有所不
敢精詳有所未能信今傳後誠未易言而事必紀實踵成觀察前
輩之事以副前邑侯宮公之望云爾至於考證得失補苴罅漏則
俟後之從事者

光緒十二年冬十月邑後學鄭作相謹叙

日照縣志目錄

縣志一書丁心齋觀察草創未畢欲共成之令其族子庭陔以所輯稿相示庭詩未敢任也癸未冬觀察齋志歿甲申陳沐三大令恐事中墮邑人士亦以爲言弗獲已迺發凡起例重爲釐訂徵文考獻稿凡數易沐三大令復以政暇總其成維時參訂爲日照訓導李埴分纂爲副貢牟廷輔歲貢鄭作相丁昉廩貢李黼宸增生卜景淇庠生丁庭陔參校爲舉人許秉惠李清溪鄭熙瑞蘇春畦廩貢秦兆瀛廩生崔夢與路廷珍安曰藻庠生許竹林丁明善馬民蒸采訪爲恩貢秦德升歲貢張文炳廩生楊懋本尹日桂王淑枋增生李漢章李衍堂王步康生員蔡慶

鏞丁鈞假遲建瀛梁秉堃卜維楓安爲梁張朋僑五品銜丁曠
 年州同銜丁汝鎮中書銜丁惟階貢監許炳祺監生范慶周丁
 汝周武生安維士衛恩貢徐懋官歲貢蘇春臺王恩渠廩生蘇
 元濬書成凡十二卷著錄如左光緒十一年仲冬日照縣教諭
 黃縣張庭詩謹識

卷之一

疆域志 沿革 縣境 鄉社 山水 海口
古蹟附古墓古碑 時序風俗

卷之二

營建志 城池 公廡 學校 壇祠附寺觀
坊表 橋梁墩舖

卷之三

食貨志

賦役

鹽法

物產

附市集海運

卷之四

禮樂志

卷之五

秩官志

卷之六

選舉志

卷之七

考鑑志

祥異

兵事

海防

卷之八

目錄

卷八

人物志

卷之九

列女志

卷之十

藝文志

文

卷之十一

藝文志

詩

卷之十二

掇餘志

日照縣志卷首

一 修志凡例

一 志書必先立大綱舊志條目似近繁碎茲立大綱十一分十二卷其中小目附於大綱易於披覽

一 縣志與府志沿革不同今以歷代史志與左傳注水經注通典元和郡縣志太平寰宇記元豐九域志路史齊乘參考府志縣舊志是者從之闕者補之悉心訂正不復置辨以諸書駁之自見

一 舊志山水散敘平列體裁似表今仿古人意尋其脈絡聯貫成一文庶不至散而無紀